

# **Litaba za Mwa Lihatiso Zebonisizwe Mwa Buka ya Mukopano wa Bupilo ni Bukombwa**

**SEPTEMBER 6-12**

## **LITABA ZA BUTOKWA ZEZWA MWA LINZWI LA MULIMU | DEU- TERONOMA 33-34**

**“Musabele Mwa Mazoho A Jeho-  
va A Kamita”**

*it-2 51*

**Jeshuruni**

Ki lilumbatina la kububeka Isilaele. Mwa toloko ya Sigerike ya *Septuagint*, “Jeshuruni” ki linzwi lelibonisa lilato, linzwi leo litolokilwe kuli “mulatiwa.” Kubizwa ka libizo la “Jeshuruni” kulukela kuba kone kuhupulisa Maisilaele kuli ki sicaba saiketezi Jehova ni kubahupulisa buikalabelo bwabona bwa kuzwelapili kusepahala ku yena. (Deut. 33:5, 26; Isa. 44:2) Kwa Deuteronomia 32:15 libizo la Jeshuruni liitusingizwe ka swanisezo. Mwa sibaka sa kupila ka kulumeliana ni libizo la Jeshuruni, Maisilaele baitatafaza lipilu, balibala Mubupi wabona, mi bashwaula Mupilisi wabona.

**rr 120, mbokisi**

**Kutusiwa Kuyema Hape ka Mahu-  
tu Aluna**

Lilimo zeñata pili Ezekiele asika pepwa kale, mupolofita Mushe

naabulezi kuli Jehova unani maa-ta a kutusa batu bahae mi walata kueza cwalo. Mushe naañozi kuli: “Mulimu ki masabelo kuzwa kwa-kale, mazoho ahae a kamita a kwatasaa hao.” (Deut. 33:27) Ka niti, Iwakona kuba ni buikolwiso bwa kuli haiba luitinga ku Mulimu mwa linako zetaata, Jehova ka lilato ukaluswala, kuluyemisa ka tokomelo, ni kulutusa kuyema hape ka mahutu aluna. —Ezek. 37:10.

**w11 9/15 19 ¶16**

**Mumate Mwa Siyano ka Kuitiisa**

<sup>16</sup> Bo Abrahama ni Mushe ne-bashwile basika bona zanaa basepisize Mulimu. Nakonyana pili Maisilaele basika kena kale mwa Naha ya Sepiso, Mulimu naabulelezi Mushe, ali: “Ukabonela kwahule naha yenifa sicaba sa Isilaele, kono hauna kukena mwateñi.” Mushe ni Aruni nebasika kena mwa Naha ya Sepiso kakuli nebasika utwa Mulimu hane bali kwa mezi a Meriba. Neba halifisizwe hahulu ki bakwenuheli, mi kabakaleo baeza ka mukwa one usika kutekisa Mulimu. (Deut. 32:51, 52) Mushe naasika zwafa kabakala kuli naasike a

kena mwa Naha ya Sepiso. Naasika nahana kuli Mulimu naaezize ka kusa luka. Lwa ziba taba yeo kakuli naakupile Jehova kuli a fuyole sicaba sa Isilaele. Manzwi a mafelelezo a naababulelezi ki a kuli: “Unani tabo, wena Isilaele! Ki mañi yaswana ni wena, wena sica ba sesipiliswa ki Jehova, yena tebe yekusilelelize ni lilumo lahao la silena?”—Deut. 33:29.

## Kubatisisa Litaba za Butokwa za Kwa Moya

w15 2/15 6 ¶6

Mushe

**Mubonelo wahae.** Mwa buka ya mwa Bibele ya Juda, lubala za bupilo bwa Jesu pili asika taha kale fa lifasi. (**Mubale Juda 9.**) Ka kuba Mikaele nduna wa mangeloi, Jesu “naapihisana ni Diabulosi” mi “naakananisana” ni ya maswe yo ka “za situpu sa Mushe.” Mushe hasa shwile, Jehova naabulukile situpu sahae kone sisakonwi kufumanwa ki mutu. (Deut. 34:5, 6) Mwendi Diabulosi naabata kubeya Maisilaele mwa muliko wa kuli baitusise situpu sa Mushe mwa bulapeli bwa buhata. Kusina taba ni milelo ye maswe ya Diabulosi, Mikaele ka bundume naamutuhelisize. Buka yeñwi ya lipatisiso ibulela kuli manzwi a kuli

“naapihisana” ni “naakananisana,” aitusisizwe hape kwa kutalusa “muzeko” mi akona kutalusa kuli “Mikaele ‘naalwanisize Diabulosi kuli haana tukelo’ ya kuunga situpu sa Mushe.” Nihakulicwalo, nduna wa mangeloi yo naaziba kuli maata ahae naanani macinékelo. Kacwalo, Jesu asiya taba yeo mwa mazoho a Jehova, yena Muatuli Yomutuna, ili yena anosi yanani tukelo ya kuatula Satani. Ka kueza cwalo, Jesu naabonisize buikokobezo luli!

**SEPTEMBER 13-19**

## LITABA ZA BUTOKWA ZEZWA MWA LINZWI LA MULIMU | JOSHUA 1-2

**“Momukona Kukondiseza”**

w13 1/15 8 ¶7

**Mube ni Bundume Jehova Uinzi ni Mina!**

7 Kuli lube ni bundume bwa kueza tato ya Mulimu, lulukela kuituta Linzwi lahae ni kusebelisa zelubala. Jehova naabulelezi Joshua ka nako yanaa yola Mushe kuli: “Ube ni bundume mi utiye, mi umamele ka tokomelo Mulao kaufela wakulaezi Mushe mutangaaka. . . Buka ya Mulao ye isike yazwa mwa mulomo wahao, mi uswanelia kuibala ni kunahanisisa ze mwateñi,

musihali ni busihu, kuli umamele ka tokomelo zeñozwi mwateñi kaufela; kakuli haiba ueza cwalo ukakondisa mi ukaba ni butali.” (Josh. 1:7, 8) Joshua naapetile hande musebezi wanaa mufile Jehova kakuli naalatelezi taelo yahae. Ni luna haiba lueza cwalo, luka ndumeba hahulu mi luka sebeleza hande Mulimu.

w13 1/15 11 ¶20

### Mube ni Bundume Jehovah Uinzi ni Mina!

<sup>20</sup> Kuzwelapili kueza tato ya Mulimu mwa lifasi leli maswe le haki nto ye bunolo. Kono halusika itinga fa maata a luna. Mulimu uinzi ni luna. Mwanaa hae, yena Toho ya puteho, ni yena usweli walutusa. Hape mwa lifasi kaufela kunani Lipaki za Jehovah babafitelela 7,000,000. Haike kaufelaa luna luzweleñipili kubonisa tumelo halunze lukutaza taba yende. Manzwi a liñolo la silimo sa 2013, aka lutusa kueza cwalo. Manzwi ao a bulela kuli: “Ube ni bundume mi utiye. . . . Jehovah Mulimu wahao uinzi ni wena.”—Joshua. 1:9.

### Kubatisisa Litaba za Butokwa za Kwa Moya

w04 12/1 9 ¶1

### Zezwile Mubano Mwa Buka ya Joshua

2:4, 5—Ki kabakalañi Rahaba hapatela baana ba mulena ba babata matwela? Rahaba ubeya bupilo bwahae mwa kozi ka kusileleza matwela bao bakeñisa kuli saanani tumelo ku Jehova. Kacwalo, hasika tameha kubulela ko bainzi matwela kwa baana ba babata kueza maswe batu ba Mulimu. (Mateu 7:6; 21:23-27; Joani 7:3-10) Mane, Rahaba ‘naabeilwe yalukile ka misebezi,’ ku kopanye-leza cwalo ni kezo ya kupatela linumwana za mulena.—Jakobo 2:24-26.

## SEPTEMBER 20-26

### LITABA ZA BUTOKWA ZEZWA MWA LINZWI LA MULIMU | JOSHUA 3-5

**“Jehova Ufuyaulanga Likezo za Busepahali”**

it-2 105

Jordani

Nuka ya Jordani bukaufi ni Liwate la Galilea ieza feela limita ze mwahalaa 1 ni 3 mwa butungi, ni zebato ba 27 kuisa 30 mwa bupala. Kono litabula nuka ya Jordani yaatibisanga minanga yayona kacwalo yaatunganga hahulu ni kuba yetuna. (Josh. 3:15) Ka nako ye ya muunda sicaba

sa Isilaele sesikopanyeleza baana, basali, ni banana nesisike sasila ka bunolo nuka ya Jordani, sihulu bukaufi ni Jeriko. Mezi abubanga hahulu kuli mane mwa lilimo za cwanoñu fa, batu babatapelanga fa sibaka se bakukisizwe. Nihakuli cwalo, Jehova ka makazo naayemisize mezi a Jordani, ili kutahisa kuli sicaba sa Isilaele sisile fa mubu oomile. (Josh. 3:14-17) Hamulaho wa lilimo zeñata kuzwa fo, makazo yamufuta oswana neizahalile ku Elia hanaa zamaya ni Elisha, ni ku Elisha inzaali anosi.

—2 Mal. 2:7, 8, 13, 14.

### w13 9/15 16 ¶17

#### Mutabele Likupuliso za Jehova

<sup>17</sup> Misebezi yaluna ya tumelo ilutusa cwañi kusepa hahulu Jehova? Muhupule zene ezahezi nako ya kuli Maisilaele ba kene mwa Naha ya Sepiso hane ifitile. Jehova naalaezi baprisita bane balwezi aleka ya bulikani kuli ba caule ku liba mwa Nuka ya Jordani. Batu hane banze basutelela kwa nuka, balemuha kuli mezi naali a mañata mi naabuba ka lubilo lolutuna hahulu bakeñisa pula yene nela ka nako yeo. Maisilaele neba-ka ezañi mwa muinelo wo? Kana

nebaka bapula litende fa munanga ni kulibelela ka lisunda li sikai kamba kufitelela ilikuli mezi a kale? Batili, nebasepile Jehova ka kutila mi neba latelezi litaelo zahae. Nekuezaheziñi Maisilaele hane basepile Jehova ni kulatelela litaelo zahae? Bibele ibulela kuli: “Mahu tu a baprisita . . . asahata feela mwa mezi, . . . mezi, akayema.” Mi hamulaho, baprisita ‘hane banze bayemi fa mubu oomile, Maisilaele kaufela basila fa mubu oomile, kufitela sicaba kaufela sisila Jordani.’ (Josh. 3:12-17) Kubonahala kuli Maisilaele nebatabile hahulu hane baiponezi mezi a naabuba ka lubilo lolutuna ha kala! Tumelo yabona ku Jehova neitiisizwe bakeñisa kuli nebalatelezi litaelo zahae.

### w13 9/15 16 ¶18

#### Mutabele Likupuliso za Jehova

<sup>18</sup> Ki niti kuli Jehova haezangi limakazo zecwalo kwa batu bahae kacenu. Kono walufuyaulanga halubonisa tumelo ni kulatelela litaelo zahae. Moya okenile wa Mulimu ulufa bundume boluto-kwa kuli lukutaze lushango lwa Mubuso mwa lifasi kaufela. Mi Jesu Kreste, yena Paki yo mutuna

wa Jehova, naasepisize balutiwa bahae kuli naaka batusa mwa mu-sebezi wa butokwa wo. Jesu naa ba bulelezi kuli: “Ka mukwa oc-walo, hamuye, mi mulute batu ba macaba kaufela kuba balutiwa.” Mi naa ba sepe-size kuli: “Niinzi ni mina mazazi kaufela kuisa nako ya kufela kwa lifasi.” (Mat. 28:19, 20) Lipaki babañata babanani maswabi a kuambola ku babañwi babulela kuli moyo wa Mulimu ubatusanga kuba ni bundume bwa kubulela habali mwa bukombwa.

—*Mubale Samu 119:46; 2 Makorinte 4:7.*

### **Kubatisisa Litaba za Butokwa za Kwa Moya**

w04 12/1 9 ¶2

**Zezwile Mubano Mwa Buka ya Joshua**

**5:14, 15—“Nduna wa mpi ya Jehova” ki mañi?** Kubonahala kuli nduna yato tiisa Joshua kwa makalelo a kuhapiwa kwa Naha ya Sepiso hakuna usili kwandaa “Linzwii”—yena Jesu Kreste pili asika taha kale sina mutu. (Joani 1:1; Daniele 10:13) Kwa tiisa pilu luli kuziba kuli Jesu Kreste ya filwe kanya u inzi ni batu ba Mulimu kacenu ha ba nze ba li mwa ndwa ya kwa moyo!

**SEPTEMBER 27-OCTOBER 3**

### **LITABA ZA BUTOKWA ZEZWA MWA LINZWI LA MULIMU | JOSHUA 6-7**

**“Muzwe Kwa Lika Zesina Tuso”**

w10 4/15 20 ¶5

**Mubiule Meeto A Mina Kwa Lika Zesina Tuso!**

<sup>5</sup> Hamulaho wa lilimo-limo, meeto a Muisilaele yabizwa Akani naa-mutahiselize kuli auzwe lika mwa munzi wa Jeriko ono hapilwe. Mu-limu naalaezi kuli lika kaufela mwa munzi wo lisinyiwe kwandaa feela lika zeñwi zene swanelwa kubeiwa mwa pulukelo ya Jehova. Maisilaele nebalemusizwe kuli: “Musike mwasutelela kwa nto yeswanelia kusinyiwa, kuli musike mwalaka-za” zeñwi ze mwa munzi ni kuliinga. Akani hanaalobile mulao wo, Maisilaele nebatuzwi ki munzi wa Ai, mi babañwi kubona ne-bashwile. Akani naasika itumelela busholi bwahae kufitela afuma-nwa. Naaize: “Hane niboni” lika ze, “nalilakaza, mi naliingga.” Takazo ya meeto ahae neitahisize kuli asi-nyiwe, hamohocwalo “ni zeli zahae kaufela.” (Josh. 6:18, 19; 7:1-26) Akani nalakalize lika zene hanisi-zwe.

w97 8/15 28 ¶2

## Ki Kabakalañi Haluswanelia Kubiha Bufosi?

Libaka leliñwi haluswanelia kubiha bufosi kikuli kueza cwalo kubukeleza bukeni bwa puteho. Jehova ki Mulimu yakenile. Ubata kuli batu baba mulapela babe babakenile kwa moyo ni mwa muzamao. Linzwi lahae lilueleza kuli: “Ka kuba bana babautwa, mutuhele kueza lika ka kuya ka litakazo zene munani zona hane musina zibo, kono ka kuswana ni Yakenile yamibizize, mube babakenile mwa muzamao wamina kaufela, kakuli kuñozwi kuli: ‘Mulukela kuba babakenile, kakuli na ni yakenile.’” (1 Pitro-si 1:14-16) Batu babaeza zemaswe bakona kutahisa kuli puteho kau-fela isilafale ni kuli Jehova asike afuyaula puteho yeo kufitela mutu yaeza zemaswe afiwa tuso kamba kuzwisiwa.—Mubapanye Joshua, kauhanyo 7.

w10 4/15 21 ¶8

## Mubiule Meeto A Mina Kwa Lika Zesina Tuso!

<sup>8</sup> Bakreste ba niti ni bona bako-na kuamiwa ki takazo ya meeto ni takazo ya nama. Kacwalo Linzwi la Mulimu lilususueza kuli luno

iswala mwa lika zelubona ni zelulakaza. (1 Makor. 9:25, 27; *mubale 1 Joani 2:15-17*) Muuna yalukile Jobo naaziba kuli meeto a kona kululakazisa lika zelubona. Naaize: “Niezize tumelelano ni meeto aka. Cwale nikatalima cwañi mwalyanjo ka kumulakaza?” (Jobo 31:1) Jobo naaikatulezi kusa swala-swala musali, nihaiba feela kunahana za kueza cwalo. Jesu naabonisize kuli Iuswanelia kutokolomoha minahano yefosahalile hanaaize: “Mutu kaufela yaswalelela kutilima musali ka kumulakaza seabukile kale ni yena mwa pilu yahae.”—Mat. 5:28.

## Kubatisisa Litaba za Butokwa za Kwa Moya

w15 11/15 15 ¶2-3

## Lipuzo Zezwa Kwa Babali

Mwa linako za kwaikale, muleneñi neuambekiwanga muta mpi nei-potolohanga mamota a muleneñi wo, inze iitukiselize kuutaseza. Muleneñi haneu ambekiwanga ka nako yetelele, batu ba mwa muleneñi wo nebacanga lico zene babulukile. Masole hase bahapile muleneñi wo, nebaanganga lika kaufela zene babata kukopanyezeza cwalo ni lico zenesyezi.

Ki lona libaka bapumbuli ba lika hane bafumani lico zenyinyani kamba mane hane basika fumana lico mwa mileneñi yene taselizwe mwa Palestine. Kono muleneñi wa Jeriko one utaselizwe washutana ni mileneñi yemiñwi. Buka yebizwa Biblical Archaeology Review ibulela kuli: “Nto yenefumawi ka buñata mwa muleneñi one usinyizwe wo kwandaa lika zebupilwe fa lizupa, neli bubeke.” Buka yeo iekeza kuli: “Kufumana bubeke bobuñata cwalo nekukomokisa luli.”

Bibele ibulela kuli Maisilaele hane bahapile muleneñi wa Jeriko nebasika aanga lico mwateñi kakuli Jehova naabalaesi kuli basike baeza cwalo. (Josh. 6:17, 18) Hape ibulela kuli Maisilaele nebataselize muleneñi wa Jeriko ka nako ya maliha hamulaho wa kukutula, hanekunani bubeke bobuñata bone bubulukilwe mwa muleneñi wo. (Josh. 3:15-17; 5:10) Kawalo, bupaki bwa kuli mwa Jeriko nekusanan bubeke bobuñata hamulaho wa kuambekiwa, ki sisuposa kuli muleneñi wo neuambekilwe ka nako yekuswani sina feela moibulelala Bibele.

## OCTOBER 4-10

### LITABA ZA BUTOKWA ZEZWA MWA LINZWI LA MULIMU | JOSHUA 8-9

#### “Zeluituta Kwa Likande la Magibioni”

w03 6/15 12 ¶5

Gibioni

Kutuha fo, Maisilaele bakambama malundu a fahalaa nahua, kuzwa kwa njelolo, bukaufi ni nuka. Ka ketelelo ya Jehova, Joshua alalela munzi wa Ai. (Joshua, kauhanyo 8) Taba ya kutulwa kwa Ai neitahisize kuli malena babañata ba Makanana bakubukane kuitukiseza ndwa. (Joshua 9:1, 2) Bayahi ba munzi wa Mahivi onoli bukaufi bona nebasika eza cwalo. Joshua 9:4 ili: “Kiha baeza ka butali.” Sina Rahaba, nebautwile kuli Jehova naatusize batu bahae kututa, ni kutula Sihoni ni Ogo. (Joshua 9:6-10) Magibioni bao nebaboni kuli kulwana nekusike kwatusa. Kacwalo, ka kuyemela Gibioni ni minzi yemiñwi yemilaalu yefakaufi, ili Kefira, Beeroti, ni Kiryati-Jearimi, balumela ku Joshua batu bane baipumisa kuli bazwelela kwahule. Mulelo wo neukondile. Joshua

naaitamile ni bona bulikani bone butiselize punyuho yabona. Mazazi amalaalu hasamulaho, Joshua ni Maisilaele baziba kuli nebakwashe-kilwe. Niteñi, nebaitamile ka luci ka libizo la Jehova ka za bulikani bo mi kacwalo nebasika bufelisa. (Joshua 9:16-19) Kana Jehova naalumelelize nto yeo?

#### w11 11/15 8 ¶14

#### ‘Musike Mwa Tiyela fa Butali Bwa Mina’

<sup>14</sup> Bakeñisa kuli halusika petahala, kaufelaa luna, mane kubeya cwalo ni baana-bahulu babayeziseli, haluswaneli kulibala kukupa Jehova kuli a luzamaise halueza liketo. Hamunyakisise zanaaezize Joshua ni baana-bahulu ba Isilaele muta nebaatumezwi ki Magibioni bane baipumisize kuli nebazwa kwa naha ya kwahule. Joshua ni baana-bahulu nebasika buza Jehova, kono baitama bulikani ni Magibioni bwa kuli habana kubalwanisa. Nihaike kuli Jehova naasika felisa bulikani bo, naaboni teñi kuli taba yeo ya ñoliwa mwa Mañolo ilikuli luitute sesiñwi kuyona.—Josh. 9:3-6, 14, 15.

#### w04 10/15 18 ¶14

#### “Uizamaele Mwa Naha Ye”

<sup>14</sup> Linumwana zeo zali: “Batanga

bahao bazwa kwa naha ya kwahule hahulu, mi batile kwanu kabakala libizo la Jehova Mulimu wahao.” (Joshua 9:3-9) Liapalo ni lico zabona nelibonahala kupaka luli kuli neba zwa kwahule, kono niti kikuli Gibioni neieza likilomita zebato ba ze 30 fela kuzwa kwa Giligali. Ka kukolwa, Joshua ni mandunaa hae baeza tumelelano ya kozo mi ba itama bulikani ni Gibioni ni minzi yeneli mabappa. Kana Magibioni nebabulezi buhata kabakala kusaba fela kubulaiwa? Batili, nebanani takazo ya kubata kushemubiwa ki Mulimu wa Isilaele. Jehova naashemubile Magibioni mi ba beiwa “kulwalelanga likota ni kuka mezi a kopano ni a kwa aletare ya Jehova kwa sibaka sanaaka keta Mulimu,” ili kutisanga likota kwa aletare ya matabelo. (Joshua 9:11-27) Magibioni nebazwezipili kutabela kueza misebezi ya butanga mwa sebelezo ya Jehova. Mi mwendi babañwi ba kubona nebable mwahala Manetinimi bene bazwile mwa Babilona ni kuto sebeza kwa tempele yene iyahilwe sinca. (Ezira 2:1, 2, 43-54; 8:20) Lwakona kulikanyisa moyo wabona ka kulika kataata kubukeleza kozo ni Mulimu ni ka kuitatela kueza nihaimba misebe-

zi yebonahala kusa kutekeha mwa sebelezo yahae.

## **Kubatisisa Litaba za Butokwa za Kwa Moya**

*it-1 1030*

### **Kupaheka fa Kota**

Mwa mulao wanaafile Jehova kwa Maisilaele, lisinyi zeñwi nelikona kupahekiwa fa kota sina ‘zekutilwe ki Mulimu,’ ili kupahekiwa fapilaa nyangela kuli ibe temuso. Situpu sesipahekilwe fa kota nesiswane-la kuzwisiwa fateñi ni kubulukiwa pili lizazi lisika likela kale; kusi-ya situpu inze sipahekilwe fa kota busihu kaufela nekuka tahisa kuli mubu one bafile Maisilaele ki Mu-limu usilafale. (Deut. 21:22, 23) Maisilaele nebalatelezi taelo ye nihaike kuli mutu yanaa pahe-kilwe nesi Muisilaele.—Josh. 8: 29; 10:26, 27.

**OCTOBER 11-17**

## **LITABA ZA BUTOKWA ZEZWA MWA LINZWI LA MULIMU | JOSHUA 10-11**

**“Jehova Ulwanelia Isilaele”**

*it-1 50*

### **Adoni-zedeki**

Mulena wa Jerusalema ka nako yeo Maisilaele ne bahapa Naha ya

Sepiso. Adoni-zedeki naaswalisa-ni ni mibuso yeneli kwa wiko wa nuka ya Jordani ili yene ikopani hamoho ka mulelo wa kulwanisa Joshua ni mpi yahae. (Josh. 9:1-3) Kono Mahivi bane bayahile mwa Gibioni baeza tumelelano ya kozo ni Joshua. Ka kuhalifisa ki taba yeo ni kubata kutibela batu kuswalisana ni sila seo sene si-taha, Adoni-zedeki akopanya mpi yahae ni limpi za malena babañwi babane ba Maamori, mi aambeka Magibioni ni kubalwanisa. Malena baketalizoho bao nebakomokisi-zwe hahulu ki kubona mo Joshua naalamulelezi Magibioni ni mwa-naatulezi limpi za malena bao, mi taba yeo neitahisize kuli babale-hele kwa Makeda ili ko nebaizo kwalelwaa mwa mukoti wa mwa li-cwe. Joshua abulaya Adoni-zedeki ni malena babañwi babane fapilaa baana bahae ba ndwa, mi apaheka litupu za bona fa liko-ta. Hasamulaho, litupu za malena bao zanepelwa mwa mukoti mone baipatile, mi mukoti wo wafetuha libita labona.—Josh. 10:1-27.

*it-1 1020*

### **Simbwewewe**

**Sanaa itusisize Jehova.** Simbwewewe ki sesiñwi sa lilwaniso zaitusisize Jehova ka linako zeñwi

kuli ataleleze linzwi lahae ni kubonisa maata ahae amatuna. (Samu 148:1, 8; Isa. 30:30) Jehova naitusisize simbwewewe Iwapili hanaafa koto yabu 7 fahalimwaa naha ya Egepita, ili simbwewewe sene sisinyize lime-la kaufela ni likota, ni kubulaya batu ni limunanu kaufela zene-li mwa naheñi kono nesisika sinya mwa naha ya Gosheni mone kupila Maisilaele. (Exo. 9:18-26; Samu 78:47, 48; 105:32, 33) Hasamulaho, mwa Naha ya Sepiso, Maisilaele bane baetelelwa ki Joshua hane bato lamulela Magibioni bane babata kulwaniswa ki malena ba Maamori baketalizoho bane baswalisani, Jehova alwanisa Maamori ka kuitusisa macwe amatura a simbwewewe. Ka nako yeo, batu bane babulailwe ki Simbwewewe neli babañata kufita bane babulailwe ki Maisilaele.—Josh. 10: 3-7, 11.

#### w04 12/1 11 ¶1

**Zezwile Mubano Mwa Buka ya Joshua**

**10:13—Kezahalo yecwalo ikona kukonahala ka mukwa ufi?** “Kana kunani nto yepala ku Jehova,” Mubupi wa mahalimu ni lifa-

si?” (Genese 18:14) Haiba Jehova alata, wakona kuzamaisa mupotolohelo wa lifasi kuli mutu ya fa lifasi haaka talima lizazi ni kweli alibone inge halishenyi. Kamba wakona kusa nyamatala mupotolohelo wa lifasi ni kweli kono ni kusikulula liseli lelizwa kwa lizazi ni kweli kuli lizwelepili kubenya ona cwalo mwa lifasi. Kube cwañi kamba cwañi, “Haisali nekusika ba kale ni lizazi leli cwalo” mwa bupilo bwa batu kaufela.—Joshua 10:14.

#### **Kubatisisa Litaba za Butokwa za Kwa Moya**

**w09 3/15 32 ¶5**

**Lipuzo ze Zwa kwa Babali**

Taba ya kuli libuka zeñwi nelibulezwi mwa Bibebe ni kuli neliitutiswanga haiswaneli kulunahanisa kuli neliñozwi kasusuezo ya moya wa Mulimu. Kono, Jehova Mulimu ubukelelize libuka kaufela zenani “Linzwi la Mulimu waluna,” mi libuka zeo “liina kuya kuile.” (Isa. 40:8) Mañolo abeile Jehova mwa libuka ze 66 za Bibebe zelunani zona, ki zona zelutokwa kuli ‘lube babakona hande kueza lika, babaitukiselize hande kupteta musebezi kaufela omunde.” —2 Tim. 3:16, 17.

**OCTOBER 18-24**

**LITABA ZA BUTOKWA ZEZWA  
MWA LINZWI LA MULIMU |  
JOSHUA 12-14**

**“Mulatelele Jehova ka Pilu Kau-fela”**

**w04 12/1 12 ¶2**

**Zezwile Mubano Mwa Buka ya Joshua**

**14:10-13.** Nihaike naanani lilimo ze 85, Kalebu uikupela musebezi obuima wa kuleleka batuba mwa naha ya Hebron. Mwa sibaka seo ne kuyahile bana ba Anaki ba lingangalume. Ka tuso ya Jehova, ndwalume ya yezise-li yo wabakoma, mi Hebron iba muleneñi wa masabelo. (Joshua 15:13-19; 21:11-13) Mutala wa Kalebu ulususueza kusa saba misbezi ya Sikreste yetaata.

**w06 10/1 18 ¶11**

**Kuba ni Tumelo ni Kusaba Mulimu Kwa Ndumebisa**

<sup>11</sup> Tumelo yeo haisika yema fela kulkulikuñwi. Kono ya hula hanze lupila ka kumamela niti, hanze ‘lulazwa’ lituso zayona, ni ku “bona” molialabelwa litapelo zaluna, kamba ka mubulelelo omuñwi, hanze lulemuha mwaluetelelala Jehova mwa bupilo. (Samu 34:8; 1 Joa-

ni 5:14, 15) Lunani buikolwiso bwa kuli tumelo ya bo Joshua ni Kalebu neitiisizwe hane banze balazwa bunde bwa Mulimu. (Joshua 23:14) Hamunyakisise lisupo ze: Bo Joshua ni Kalebu neba-bandukile mwa musipili wabona wa lilimo ze 40 mwa lihalaupa sina mwanaa basepiselize Mulimu. (Numere 14:27-30; 32:11, 12) Nebaitusisizwe hahulu mwahaha laa lilimo zesilezi za kuhapa naha ya Kanana. Hasamulaho, bapila nako yetelele, banze baikanguzi hande, mi mane bafiwa sanda sabona sesibakonka. Kaniti Jehova wafuyolanga baba musebeleza kabusepahali ni ka bundume!—Joshua 14:6, 9-14; 19:49, 50; 24:29.

**Kubatisisa Litaba za Butokwa za Kwa Moya**

**it-1 902-903**

**Gebali**

Jehova naakopanyelelize “naha ya Magebali” kwa libaka zene sika hapiwa kale ki Maisilaele mwa linako za Joshua. (Josh. 13:1-5) Balwanisi baanga kuli taba ye yalwanisana ni litaba zeñwi, bakenisa kuli muleneñi wa Gebali neufumaneha kwahule kwa mutulo wa naha ya Isilaele (ibato ba likilomita ze 100 kwa mutulo wa

naha ya Dani) mi kubonahala kuli Maisilaele nebasika hapa muleneñi wo ni kamuta. Licaziba babañwi balumela kuli litaba za Siheberu za timana ye, mwendi nelisinyehile mi baanga kuli manzwi a kwa timana ye, kwamulaho nabaliwa kuli “naha yebapani ni Lebanon,” kamba ‘kuyofita ni kwa mululwani wa Magebali.’ Nihakulicwalo, hape luswanelu kulemuha kuli lisepiso za Jehova ze kwa Joshua 13:2-7 neli-ka talelezwa feela *haiba Maisilaele nebaka utwa*. Kacwalo Maisilaele nebasika hapa na ha ya Gebali kabakala kusautwa kwa bona.  
—Mubapanye Josh. 23:12, 13.

## OCTOBER 25-31

### LITABA ZA BUTOKWA ZEZWA MWA LINZWI LA MULIMU | JOSHUA 15-17

**“Mubukeleze Saanda Samina sa Butokwa”**

**it-1 1083 ¶3**

**Hebron**

Maisilaele hane basweli kuhapa sibaka sesi kwa mutulo sa na ha ya Kanana, bayahi ba Hebron, hamoho cwalo ni mulenaa bona (mwendi ili yanaa yolile Hohami), nebayundisizwe. (Josh. 10:36, 37) Nihakulicwalo, nihaike kuli Maisi-

lae le bane baetelezwi ki Joshua nebatokwisize Makanana maata, kubonahala kuli nebasika beya kapili masole mwa muleneñi wo kuli bauzamaise. Kubonahala kuli Maisilaele hane basahapa likalulio zeñwi za na ha, Maanaki bakala kupila hape mwa muleneñi wa Hebron, ili nto yenetahisize kuli Kalebu (kamba bana ba Juda ka kuetelelwa ki Kalebu) abamuhe muleneñi wo nikukala kuuzamaisa hasamulaho. (Josh. 11:21-23; 14:12-15; 15:13, 14; Baat. 1:10) Nihaike kuli kwa makalelo muleneñi wa Hebron neufilwe Kalebu wa lusika lwa Juda, muleneñi wo hasamulaho neufetuzwi kuba muleneñi wa masabelo. Hape neubile muleneñi wa baprissita. Nihakulicwalo, “masimu a muleneñi [wa Hebron]” ni minzi ya ona neli sanda sa Kalebu.  
—Josh. 14:13, 14; 20:7; 21:9-13.

**it-1 848**

**Misebezi ya Kuhapelezwa**

Mwa linako zene iñolwa Bibele, batu bane bahapiwanga sina batanga nebaitusisa hahulu kwa kueza “misebezi ya kuhapelezwa” (Heb., *mas*). (Deut. 20:11; Josh. 16:10; 17:13; Est. 10:1; Isa. 31:8; Mali. 1:1) Ka kuba sina batanga bane babeleka misebe-

zi ya kuhapelezwa, Maisilaele ka kuokamelwa ki bazamaisi ba ma Egepita bane babanyandisa, nebayahile miyaho ya mabulukelo mwa mileneňi ya Pitomi ni Rami-sese. (Exo. 1:11-14) Mi Maisilaele hane bakeni mwa Naha ya Sepiso, mwa sibaka sa kulateleta taelo yanaabafile Jehova ya kuleleka Makanana kaufela bane bayahile mwa naha ni ku bayundisa, baba-hapeleza kueza misebezi yetata ya butanga. Taba yeo neitahisize kuli Maisilaele bakale kulapela mili-mu ya buhata. (Josh. 16:10; Baat. 1:28; 2:3, 11, 12) Mulena Salumoni naazwezipili kubelekisa masika a Makanana bane basiyezi, ili Maamori, Mahiti, Maperizi, Mahivi, ni Majebusi, mwa misebezi ya butanga.—1 Mal. 9:20, 21.

## **it-1 402 ¶3**

### **Kanana**

Nihaike kuli kunani Makanana ba-baňata bane basika yundisiwa ni kuhapiwa, lusakona kubulela kuli ‘Jehova naafile Maisilaele naha kaufela yanaakonkile kuli uka ifa bo kuku wabona,’ kuli naabasi-lelelize “kwa lila zabona kaufela zenee bapotolohile,” ni kuli “kwa lisepiso zende kaufela zanaafile Jehova ku ba ndu ya Isilaele, ha-kuna nihaiba sepiso iliňwi yenesika

talelezwa; kaufelaa zona nelita-lelelizwe.” (Josh. 21:43-45) Lila za Maisilaele kaufela nelisabiszwe mi nelisika balwanisa mwa maneku kaufela. Mulimu naabulezi cimo kuli naaka leleka Makana-na “hanyinyani-hanyinyani” ilikuli libatana lisike zaata mwa naha. (Exo. 23:29, 30; Deut. 7:22) Nihaike kuli Makanana nebanani li-lwaniso zeipitezi, zekopanyezeza ni likoloi za ndwa zenani lisipi zeshe-nigile kwa mawili, kupalelwa kwa Maisilaele kuhapa libaka zeňwi ze-nesiyezi mwa naha hakutalusi kuli Jehova naapalezwi kutaleleza se-piso yahae. (Josh. 17:16-18; Baat. 4:13) Kono bupaki bubonisa kuli Maisilaele nebapalezwi kutula ka linako zeňwi bakeňisa kusa sepa-hala kwa bona.—Num. 14:44, 45; Josh. 7:1-12.

## **Kubatisisa Litaba za Butokwa za Kwa Moya**

### **w15 7/15 32**

#### **Kana Mwaziba?**

**Kana mwa Isilaele wa kwaikale nekunani mishitu yetibani sina feela moiboniseza Bibele?**

BIBELE ibonisa kuli libaka zeňwi za mwa Naha ya Sepiso nelina-ni mishitu yetibani ni kuli likota neli “zeňata.” (1 Mal. 10:27;

Josh. 17:15, 18) Niteňi, ka kubona moisinyehezi mishitu yemiňata ya mwa na ha yeo kacenu, batu babaňwi bapalelwa kuutwisia kuli nekubanga ni likota mwateňi ka nako yeňwi.

Buka yebizwa *Life in Biblical Israel* italusa kuli, “mishitu ya mwa lina-ko za Isilaele wa kwaikale neitibani hahulu kufita mishitu yeliteňi kacenu.” Mishitu ya mwa libaka za malundu neikwahelwanga ka likota zebizwa *Aleppo pine*, oke, ni *terebinth*. Mwa Shefela ili sibaka sesi mwahala malundu ni likamba la liwate la Mediteranea, likota za sikamora neli zeňata hahulu mwateňi.

Buka yebizwa *Plants of the Bible* ibulela kuli, mwa libaka zeňwi za Isilaele hakusana likota. Ki nto maňi yetahisize cwalo? Kuli ibonise kuli nto yeo neieza-hala hanyinyani-hanyinyani, buka yeo ibulela kuli: “Mutu uzwezipili kusinya limela za mwa mushitu, sihulu ka mulelo wa kuekeza kwa masimu ni libaka za mafulisezo, fokuňwi kubile cwalo ka mulelo wa kufumana liyahiso ni likota za mulilo.”



